



Cumün da Valsot

Tel. +41 (0)81 861 00 60 • Fax +41 (0)81 861 00 61 •

Poz 86 • CH-7556 Ramosch

info@valsot.ch • www.valsot.ch

Affischa

Suprastanza cumünala dals 18.3.2019

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

Absaint:

Protocol: Fallet-Taverna Marco

Fabrica: Paulmichi-Rodigari Albin

Giast/s:

tractandas	tema	responsabel
25	0120 Executiva Acconsentimaint protocol	
26	0210 Administraziun cumünala Nouv model da quint HRM 2	vp/mf
27	0220 Uffizi da fabrica Dum. da fabrica no. 007/2019, fanestras, pigna e chamin nouv, Denoth Mario e Denoth Franziska, parcella no. 266, Schilana 71A, 7556 Ramosch	vp/ap
28	0220 Uffizi da fabrica Dum. da fabrica no. 011/2019, saiv cun pösts da beton e duos lattas, Näff-Coray Gian Andrea, parcella no. 488, Curtins 1A, 7556 Ramosch	vp/ap
29	0220 Uffizi da fabrica Dum. da fabrica no. 009/2019, renovaziun dal tet da la chasa, Kobler Mariette, parcella no. 6177, Chafur 1-119, 7556 Ramosch	vp/ap
30	0220 Uffizi da fabrica Dum. da fabrica no. 008/2019, refar mürs da sustegn, Häfner-Demonti Jon, parcella no. 150, Las Costas 82C, 7556 Ramosch	vp/ap
31	0220 Uffizi da fabrica Dumonda per drets da passagi / Energia Engiadina	vp/ap
32	8400 Turissem Cumischiun nouva da turissem Tscherna dal quart(-a) commember(-ra)	ak/mf
33	8110 Agricultura Charta Cla Semadeni Cunvegna culla società da meglioraziun Ramosch	vp/ap
34	0120 Executiva Orientaziuns	
35	0120 Executiva Varia (suprastanza cumünala)	

0120 Executiva

25 **Acconsentimaint protocol**

Il protocol da la sezzüda dals 18 favrer 2019 vegn approvà.

0210 Administraziun cumünala

26 **Nouv model da quint HRM 2**

Il capo, Victor Peer, infuorma supra il nouv model da quint. Nossa regiun es gnüda destinada per ün proget da pilot a reguard la planisaziun finanziaria regiunala. Per quai es quella dependenta cha'ls cumüns tilla furnischan las cifras per üna planisaziun finanziaria da trais ons. Seguond HRM 2 sto però insomma il cumün concepir la planisaziun sülla dürada da 5 ons. Mincha suprastant as sto uossa occupar da seis dicasteri e suottametter a l'administraziun üna survista da las investiziuns previssas in seis ressort. Il documaint necessari vegn distribui e quel sto gnir retuornà fin la fin da mai 2019.

0220 Uffizi da fabrica

27 **Dum. da fabrica no. 007/2019, fanestras, pigna e chamin nouv, Denoth Mario e Denoth Franziska, parcella no. 266, Schilana 71A, 7556 Ramosch**

Il petent prevezza da müdar oura tuottas fanestras in lain dadaint- sco eir dadourvart. Las chaistas existentas cullas storas vegnan allontanadas.

La suprastanza va daperüna cun quai. Quista dumonda nu sto gnir publichada. Ella conceda il permiss.

0220 Uffizi da fabrica

28 **Dum. da fabrica no. 011/2019, saiv cun pösts da beton e duos lattas, Näff-Coray Gian Andrea, parcella no. 488, Curtins 1A, 7556 Ramosch**

Il petent prevezzaiva da sbassar l'otezza da la saiv da giatter existenta (dad 1.80m giò sün 1.10m). Implü d'eira previs d'allontanar il giatter e da munir la saiv cun duos lattas da lain.

La direenziun d'eira rivada a la conclusiun cha pel purtret da cumün füss il meglder scha la saiv gniss allontanada. Il manader tecnic vaiva trattà lasupra cul petent e quel ha lura decis da retrar la dumonda da fabrica.

La suprastanza salüda quella decisiun. L'allontanamaint da la saiv nu bsögna ingün permiss da fabrica.

0220 Uffizi da fabrica

29 **Dum. da fabrica no. 009/2019, renovaziun dal tet da la chasa, Kobler Mariette, parcella no. 6177, Chaflur 1-119, 7556 Ramosch**

Previs esa da rimplazzar il tet cun tola Uginox. Cul rimplazzamaint vegn quel dozzà per ca. 12 cm (ingüna isolaziun). La suprastanza va daperüna cun quai e conceda il permiss. Per quel nu bsögna quai ingüna publicaziun.

0220 Uffizi da fabrica

30 **Dum. da fabrica no. 008/2019, refar mürs da sustegn, Häfner-Demonti Jon, parcella no. 150, Las Costas 82C, 7556 Ramosch**

Ils mürs da sustegn a dretta ed a schneistra da la chasa sun falombers e ston gnir refats. Previs es quai da far culla crappa gronda existenta e cun beton. La s-chala existenta pro'l mür vers vest vegn allontanada.

La suprastanza va daperüna cun quai e conceda il permiss.

0220 Uffizi da fabrica

31 **Dumonda per drets da passagi / Energia Engiadina**

Il manader tecnic preschainta il plan cul trassè previs. I sto però gnir pretais da l'EE, cha la lingia vegn realisada insembel cun nos proget da la via da velos. Implü sto gnir pretais, ch'illa zona da fabrica a Seraplana gnian ils büschens suotterrats cun üna chafuollezza dad 1.50 m.

Ultra da quai sto uossa gnir muossà via a l'EE chi fess ev. sen d'installar ün büschen vöd pella lingia da forz'electric per l'alp Ischolas. Quella dess trattar la fatschenda directamaing culla coporaziun d'alp. La supranza va daperüna cun quai e conceda il permiss.

- 8400 Turissem
32 **Cumischiun nouva da turissem**
Tscherna dal quart(-a) commember(-ra)

La cumischiun da turissem suottametta la proposta pella tscherna dad Iris Riatsch, Vnà sco nouva commembra da quella. La supranza va daperüna cun quai e tilla tscherna cun vusch unanima. La cumischiun es uossa cumpletta ed as cumpuona da:

Armon Kirchen, president e commember our d'uffizi (suprastant cumünal)
Peter Mair
Georg Janett
Cilgia Etter
Iris Riatsch

- 8110 Agricoltura
33 **Charta Cla Semadeni**
Cunvegna culla società da meglioraziun Ramosch

Il capo infuorma sur da tuot il proceder fin da qua. Tuot ils puncts problematic in connex cun sia parcella nr. 10304 a Vnà han pudü gnir scholts. La basa fuorma üna cunvegna tanter il recurrent e la cumischiun da stima da la soc. da meglioraziun Ramosch. Quella cunvegna es però be valabla, scha'l cumün va daperüna cul seguint punct da tala:

- Il cumün sposta il pöst da serrada (scumond) da la via vers vest (via d'agricoltura da Grioch - Vnà suot la parcella 10304) da maniera cha quel nun impedischa l'access sülla parcella, bavun vest, pella cultivaziun.

La supranza va daperüna cun quai e decida d'aderir quel punct da la cunvegna sco eir l'ulteriur cuntgnü da quella.

- 0120 Executiva
34 **Orientaziuns**

GrischunMOBIL / invid ad üna dieta da specialists da trafic plan 2019

La dieta ha lö als 28 da mai 2019 a Cuaira. Cun quai cha nos proget «Via da velos» es in realisaziun, es la supranza da l'avis chi saja important cha nos cumün demuossa là preschentscha. Ella destinescha al suprastant dal dicasteri, Armon Kirchen, chi farà part.

Archiv cultural Engiadina Bassa / ACEB

Quel invida a sia radunanza generala – venderdi, als 12 d'avrigl 2019 a las 17:00 – chasa da scoula S-chadatsch. Il capo, Victor Peer, farà part a quella ed el rend'attent chi pon sainz'oter eir ulteriurs suprastants esser da la partida.

CSEB / Gerhard Hauser

Armon Kirchen infuorma, cha G. Hauser surpiglia pro'l CSEB Scuol la direcziun da la partiziun servezzans. Pel Bogn Engiadina vegn uossa tscherchè ün nouv directer.

Bügl public, Tschlin

Armon Kirchen infuorma sur da las occurrenz regularas previssas pel 2019:

- 25 mai Tschlin bügl sura (GV Bieraria)
- 20 lügl Tschlin bügl sura
- 27 lügl Tschlin bügl sura
- 03 avu Tschlin bügl sot, per schligerir ün zich la piazza sura
- 10 avu Tschlin bügl sura
- 17 avu Tschlin bügl sura
- 12 oct Vnà ans cunvgnind per ün evenimaint culla fam. Riatsch

Festa Naziunala a Gossau

Ursina Caviezel infuorma d'esser vi da l'organisaziun dals viadis. Ella bsögna uossa eir dal gremi e da l'administraziun chi chi'd es da la partida. Quai dess gnir indichà ad ella prosmaming.

BusTaxi / statistica

Ursina Caviezel preschainta la statistica dal bustaxi dals 14 da december 2018 fin als 9 da marz 2019. Las frequenzas demuossan ün purtret satisfacent, dimena talas sun sur las cifras chi's vess spettà.

Energia Engiadina / presidi

Il vicecapo, Armon Mayer, infuorma d'esser gnü dumondà per surtour il presidi da la EE. El vaiva giavüschà ün temp da ponderaziun e vaiva lura declerà d'esser pront da surtour la carica. Ils collegas piglian cogniziun cun satisfacziun da quel fat.

Ultra da quai discuta la suprastanza sur dal fat, chi füss amo libra üna piazza illa suprastanza. Il capo surdà als collegas da ponderar sch'inchün d'els nu vuless far part.

CapoPadrinadi svizzer per cumüns da muntogna

La radunanza annuala ha lö quist on als 26 d'avrigl 2019. Il capo rend'attent chi pon far part cun el eir ulteriurs commembers da la suprastanza.

CEE / corp. cumüns concessiunaris da las Ouvras Electricas d'Engiadina

La radunanza ha lö las 22 da marz 2019 a Susch. Sco nouv president vegn propuonü davart dals capos dals cumüns concessiunaris, Emil Müller.

Pel sez liber illa suprastanza vain propuonüda, Aita Zanetti, vicepresidente dal cumün da Scuol. Ils delegiats da nos cumün sun Ursina Caviezel ed Armon Mayer.

La Regiun / premi d'innovaziun 2019

Minch'on surdà La Regiun ad üna persuna – menaschi cun merits e sforzs economics a bön da la regiun il permi manzunà. Pel 2019 esa gnü decis da surdar quel a Corsin Biert, per seis ingaschamaint innovativ cul Center da Baineser, Tschlin.

Meglioraziun Tschlin / surpassamaint dal preventiv

Il president da la miglioraziun Tschlin, Georg Häfner, ha infuormà a bocca cha'l preventiv saja gnü surpassà e quai per üna somma considerabla e chi saja gnü interlaschà da dumondar il credit supplementar necessari. Seguond preventiv acconsenti s'amunta quella a frs. 6 miu. Fintant as haja dovrà ca. fr. 10 miu. ed i's quinta cha fin a la conclusiun da l'ouvra s'amuntarà la cifra a raduond fr. 17 miu.

I sto uossa gnir examinà co inchaminar in fatschenda. Il büro Darnuzer ha survgni l'incumbenza da la miglioraziun da valütar ils cuosts chaschunats fin da qua sco eir quels amo previs pell'ouvra. In basa a quai sto la miglioraziun inoltrar üna dumonda a la suprastanza cumünala per ün credit supplementar, il qual sto lura gnir suottamiss a la radunanza cumünala.

0120 Executiva

35 **Varia (suprastanza cumünala)**

Da la tractanda Varia nu vegn fat adöver.

7556 Ramosch, 26.03.2019



Il capo:

Il manader administraziun: